

Invitacion pa e obra teatral "Pariba, Pabao, Pazuid, Panort"

ORANJESTAD (AAN) -- DIARIO a sostene un entrevista cu Juffrouw Rose-Marie Provence, docente di musica na Colegio Paso Sigur y Joan Danies, estudiante di Trabao Social, kendenan a elabora tocante e obra "Pariba, Pabao, Panort, Pazuid" cual combina cu e videonan produci pa e mesun alumnonan en conexiun cu e clausura di e modulo "Derechonan Humano", lo worde presenta pa publico en general diaranzon 22 awor, na Cas di Cultura.

Rose-Marie ta splica lo siguiente: "Nos a cuminsa pa integra diferente vaknan manera musica, drama y baile na Idioma Papiamentu pa fortalece e personalidad di e studiantenan pa asina nan transmiti esaki mañan como futuro trahador social. Esaki ta e parti cardinal di con e materianan aki a worde integrada".

Debi na e problematico di mudamento di Colegio Paso Sigur pa edificio di Mater Dei, por bisa cu e idea pa produci un obra di teatro a nace. "Durante dunamento di les di drama e alumnonan a expresa cierto falta di motivacion. Ora e docente a puntra nan pakico, nan a expresa nan disgusto pa motibo di falta di espacio na school y e problema pa cu mudamento pae otro edificio. E ora ey nan por a expresa por escrito y den actuacion nan sentimento den gruponan chiquito.

Loke nan a expresa nos a pone tur informacion hunto y asina nos a traduci esaki den un comedia".

E COMEDIA

E comedia ta consisti di actuacion cu ta bao direccion di Roland Tromp, baile, bao direccion di Fatima v/d Boom y musica bao direccion di Rose-Marie Provence.

Un total di 41 estudiante di e gruponan WW-A y WW-B ta participa den e obra aki, ta un combinacion di aspectonan real y ficticio cu ta e caracteristica di tur comedia.

"Riba mi tereno mes cu ta musica, e alumnonan mester a traha canticanan basa riba e temanan di e obra teatral. Joan Danies a compone e canticanan ya cu e tin hopi experiencia riba e tereno di canto. Joan a compone 4 cancion titula: "Bo Futuro", "Desilusion", "E Politico", y "Comunidad", di e tres com-



posicionnan ultimo aki Joan a compone ademas di e letra e melodia tambe. Fuera di esey Joan ta interpreta e canticanan. Tambe tin un otro estudiante, Zulaika Geerman cu a compone un cancion y su melodia, titula "Union" cu cual e obra teatral ta clausura cune. E ta cante na ultimo den duo cu Louisette Vlinder. E meta ta pa nos bay traha un CD di e cancionnan aki y un buki cu e letra y e notanan musical como un producto di Colegio Paso Sigur.

Mi ta spera cu den futuro mas estudiante por compone cancionnan pa nos haya mas talento hubenil.

Mi kier gradici tambe Sr. Eerie Donata pa su tremendo trabao riba e areglonan musical.

Pa loke ta trata e parti di baile nos a acerca e docente Fatima v/d Boom pa guia e studiantenan. Tambe el a realiza un trabao excelente y a dedica hopi ora na guia e studiantenan".

UN BON PRODUCCION

Tocante su experiencia den e obra aki, Joan Danies a menciona lo siguiente:

"Como parti di e elenco mi a representa un periodista di Bon T.V., caminda mi ta reporta e ultimo acontecimentonan cu ta pasa den nos comunidad.

Mi a tende rumornan tocante accion na un school, anto mi a dirigi na e lugar pa wak kico ta kico y mantiene nos digno comunidad bon informa. Ora mi a yega mi a topa cu dos docente cu na e momento ey tabata bayendo den un reun-

ion pa asina nan por wak na ki solucion nan por yega na dje. Pero no solamente esaki, sino cu ora mi tabata haciendo mi reportahe mi a ripara cu studiantenan ta drentando den accion mas pisa pa lucha pa nan derechonan. Aki mi ta entrevista e vocero cual ta worde hunga pa Noemi Maduro, pa asina wak con leu nan kier yega cu nan manifestacion. Te aki mi ta lague pa e publico saca su propio conclusion mirando e obra.

Pero mi experiencia mes pa cu e personahe no tabata di e dificil ey pa motibo cu for di tempo cu mi tabata mas chiquito mi tabata hunga cu mi ta un periodista of un locutora, y mi ta kere cu aki mi tin cu gradici meneer Roland Tromp pa e personahe cu mi a haya. Kizas e no tabata sa esaki pero mi a haci tur mi esfuerso pa mi representa e personahe debidamente.

Tocante e parti musical tampoco no tabata di e dificil ey pa motibo cu ya mi sa compone canticanan caba pero solamente mi a desvia for di e aspecto religioso. Y no solamente esaki pero mi ta kere cu pa medio di cancionnan bo por expresa e realidad cu tin biaha ta pasa rond di bo.

Aki mi kier gradici Juffrouw Provence pa e oportunidad y e momentonan inolvidable cu nos a pasa durante e grabacionnan den studio."

INVITACION

Rose-Marie y Joan kier a haci un yamada fuerte na nos comunidad en general.

"Pues no solamente na e may-

ornan di e studiantenan, pero henter nos comunidad pa bin presencia e bunita obra aki, cu ta reflesha un di e realidadnan cu tin riba tereno di enseñanza na Aruba. Ohala nos por yega na un solucion pronto.

Carchinan ta obtenible cerca tur e studiantenan. Tambe por yama na telefon 823120/854878 y 840212.

Tambe carchinan ta obtenible na Cas di Cultura e anochi di e presentacion. Nos ta spera un publico sublime cu alavez di disfruta di un bunita obra lo yuda cu realizacion di un viahe educativo pa studiantenan di Trabao Social".


NO LUBIDA: Lugar: Cas di Cultura; fecha: diaranzon 22 di April awor; Ora: 8'or di anochi.



SANYO

Shower Wave

EMF540W	1.3 cu. Ft.	CASH: Afls. 450,=
EMS807W	1.2 cu. Ft.	CASH: Afls. 485,=
EMS707W	0.9 cu. Ft.	CASH: Afls. 435,=
EMF340W	1.0 cu. Ft.	CASH: Afls. 395,=



E mihor regalo pa nos Mamai ...

Bishita **WIMCO** na Sabana Blanco, sin problema pa parkeer
Facil pa yega di tur skina di Aruba!

Bo cas di confiansa pa mas di 68 aña.

**Diasabra 9 di Mei, WIMCO S.N. Y
SABANA BLANCO lo ta habri henter dia!**

WIMCO

San Nicolas
Tel: 845162 - 845061

Sabana Blanco
Tel: 821381



**Telefonnan di DIARIO
826747 - Fax 828551**